



DE HYPEROSTOSI.

§. I.



Hyperostosis, græca vox, componitur ex præpos. ὑπὲρ, supra, & ὄστεον, os, ossis. Ex nominis etymologia sane indicatur omne ossi superimpositum, sive in latum, aut angustum, sive durum, vel molle extensum: quidquid ossibus superinsidet præter naturam, cum de morbis sermo est, illud omne deductio manifestat, planeque sibi vult. Nostro porro sensu, morbus, ambitum ossis vel integrum intumescendo circumscribens; vel faciem alicujus quamcumque, lamellis divaricantibus ossis

A elevans,

elevans, profunde dolens intelligitur, exponitur.

§. II.

Scitur ergo præternaturalis ille, longitudinem totam, latitudinem ossis, sphæram; vel illius partem, ad fines minus expandens; durus, renitens, osteocopo dolore obtuso, fixo, magis vel minus concomitatus tumor, *Hyperostosis* est. Substantiam ossis bracteataam omnem, plurimasque ossis regiones pro fede accommodare sibi posse, observatur.

§. III.

Ut autem hujus mali idea pateat clara: et si præstantissimis osteographis fabricam osseam elucidare placuerit dudum, tamen antequam historiam hyperostoseos prosequar ulterius, fulcrorum fabricam, in quantum huc pertinet, contemplabor. Ossis substantia pro varietate, vel sola compacta; spongiosa, haec practeolis limitatur duris; vel ambabus opus retiforme interpositum fistulosis maxime conducere, singulis notum est. Unicuique harum substantiarum certam a depravato fluido corruptelam, atque violentiam externam adstrui



strui posse, vetustas modo prædicavit, na-
turamque harum omnium patefecit. Ex-
cipias, morbum lamellatum substantiam
destructa cohæsione aggredientem; qui a
RUVSCHIO in *thesau. anat. X. fig. II. & III.*
ERICO VICTORIN. diff. de ossibus tuberosis.
Tab. II. tantum delineatus, ab *ILL. VAN*
SWIETEN Tom. V. pag. 473. nominatus,
nullibi autem descriptus invenitur. In
nostro ergo foro, cum de morbo locali ser-
mo est, substantiam ossis compactam pau-
cis attingam. Partem ossis solidam ex la-
minis pluribus mutuo contactu cohæren-
tibus, sibi incumbentibus constare, abun-
danter quidem delineatum in celbr. ana-
atomicis videre est. Sed tamen frustum fe-
moris, in quo bracteolæ separatae, pul-
chritudinis gratia, quin insculpi jussisse,
prætermittere non potueram, cuius *Tab. I.*
fig. 1. effigiem ostendit. Cum nempe sim-
plicissima materia, conveniendo mediante
glutine vel contiguitate, copulata fibras
parit, quæ in decenti serie positæ lamel-
las producunt, substantiam ossis compac-
tam constituens. Etsi laminarum cohæ-
sio intime contigua ad duritatem pro ossis va-
rietate perficiendam sit; tamen vasis co-

A 2

prios,



piosis, ut nutrientur & increscant ossa, substantia dura abundat arteriosis; venæque ad consumptionem superfluum reducunt. Illud vasorum genus nutrimento, ossis incremento inserviens, aptum, pro apto ad fibrarum soliditatem, arctamque unionem obtainendam succo citius condensando. minus sanguinolento considerare oportabit. Qui minorem fluiditatem, glutinium majus exsiccationi mox subiectum, quo beneficio tardiorem quidem corruptelam sequitur, ea autem indole infectus, recuperationem salutis parcam habere agnoscitur.

§. IV.

Paucis his de substantia ossis solida præpositis; Hyperostoseos cum morbis similibus adgredior disceptantiam. Et quidem hyperostosis differt

1^{mo} Ab *exostosi*; quæ in singulis ossium regionibus, destructa quidem substantia laminata, sed extima, enascitur. Tumor interceptus non continuatus, durus, magis vel minus dolens prodit. Exostosium exempla prostant numerosa apud GODOFR. BIDLOO, JOH. CASPART, eph. nat. cur.

DU



DU HAMEL, LAUR. HEISTER, RUYSCHIUM,
VAN SWIETEN, VAN DER WIEL, & alios.

2^{do} A Nodis, *Tophis*; qui tumores in superficie ossis, læsa cohæsione fibrarum mox in medio, mox in osseum finibus extantes, minus renitentes, utique virus venerei effluvium pro principio agnoscunt primo.

3^{to} Discrepat *caries vulgaris*: α) Ratione loci invasus, cum periosteo ablato continuitas in primis externæ ossis superficie laminis soluta, corrosio, exesio incohant. β) Respectu causæ, quæ tam externa, quam interna ad producendam inflammationem, subsequendam depravationem, communes, cariem dictam proferre queunt.

4^{to} *Spina ventosa* causam pro more hyperostoseos quidem internam noscit semper: ast bracteolæ faciei ossis internæ corruptione ulcerosa destructæ, magnam ponunt disparitatem. Notandum hic *Pædarthrocacen* & spinam ventosam unam eandemque rem esse: M. A. SEVERINO nomen ventositatis spinae tantum displicuit, dum dicit: *nos autem, quæcumque sit barbari nominis vis, atque etymon, ossis circa*

A 3 articu-



*articulum in pueris abscessum, græco verborum complexu PÆDARTHROCACEN, quasi puerorum ad articulos malum, inscribi volui-
mus. De recond. abscess. nat. pag. 337.*

§. V.

Ex prædictis consecrarium est.

1^{mo} Hyperostosis sine perceptibili adeo inæqualitate sensuque magis vel minus exquisito substantiam ossis solidam, per longitudinem totam, latitudinem, vel illius partem, plerumque sphærico tumore quod expandat.

2^{do} Hyperostosin posse omnes ossis regiones, prout morbi laminas a cohæsione osseas detinentes, quidem invadere, continue vero in ossium regione substantia compacta prædivite, hucusque observata volunt, residere. *Recte contra ASTRUC de Morb. vener. Lib. IV. cap. III. pag. 351. edit. prima veneta, observata loquuntur: celbr. Author scribit: Hyperostosis tumor est ossium spongiosorum, quæ ita inflantur, ut pars altera alteram non superemineat, ut in exostosi; sed omnes tumorem, æque participant. Et sequenti pag. Hinc ergo sequitur 1) capita ossium, quibus articuli constant,*
hyper-

hyperostosi sæpenumero in lue venerea tumefacienda esse, quoniam ossium, capita omnia sunt a genere ossium spongiosorum. &c. Paucis celebr. ASTRUC loco cit. describit alium morbum, nullo modo hyperostosin, ita confundit nostrum morbum cum spina ventosa, quam fortassis in expositione symptomatum Luis venereæ confirmatæ ideo plane omisit; unde mihi ille videtur, hyperostosin nec in effigie nec in natura semel vidisse. Quod autem plerumque ossa in circuitu tumida reperiantur, ratio est: quia non solum affecti & causam & morbi initium mentiuntur; sed & incipiens laminarum detrusio curanti cura dignoscendi est maxima.

3^{to} *Hyperostosin* spinæ ventosæ, & cariei stragem suæ sedis si considero; excipias tardiorem, velociorem incessum, successum, majorem, minorem accendentem inflammationem, hujusque causam externam) maxime assimilem esse non incongrue arguo.

PROBLEMA.

An non Hyperostosis pro tertio cariei genere, quod in meditullio substantiæ ossis solidæ hospitat, pro æquo & bono poni,

A 4 existi-



existimarique possit? An non hyperostosis idem dici possit mobus, qui abscessus in partibus mollibus, pus tegimentis clausum tenens; hic vero inter bracteolas virus reconditum, apostema in osse, melius utique caries inter laminas ossreas?

§. VI.

Locum, ejusque regionem, principium, incrementum, statum, & decrementum; vetustatem, causam magis, minusve violentam; hinc subjectum prope emaciatum, cum symptomatibus peculiaribus, simplex, composita, multiplicata hyperostosis ad divisionem dicit.

§. VII.

Prima hujus morbi *causa* in perturbato humorum, substantiae solidae destinatorum, viro venereo imprægnatorum *circulo* fistitur. Quapropter liquidum ex vasis quiescens vel indurescit, vel effusum laminas ad dimotionem stagnando, arrodendo cogit. *Causa* progressum hujus succi interdicens, efficiens est illud, quod succum nutritivum in vasis ambulantem, certa qualitate imprægnat: ut stagnare, corrondere, exedere, expandere vase, laminas, substan-

substantiam ossis duram teneatur; hæcque
semper est a Venere.

§. VIII.

Siquitur ergo:

1^{mo} Etsi sedes hujus morbi in spongiosa, retiformi ossis parte non sit; tamen in unica lamina dura, si præpositas ossium substantias limitat, æque esse non potest. Sed semper tertiam cariei speciem, ubi magna substantiæ solidæ copia, inveniri.

2^{do} Periosteum non semper ab osse demptum esse.

3^{to} Nunquam a causa externa Hyperostosin produci posse.

4^{to} Hanc cariem virus venereum pro causa perpetuo non aliam agnoscere. Quod miasma ad depravationem partium mucosarum aptissimum in omnibus a Venere noxiis enixe patet; & nulla morborum causa, quanquam humorum mucaginem aggreditur, effectus in illam tam nocive deponit, qui potentiam in partibus simili liquore nutriendis, ut ligamenta, tendines, aponeuroses, ossa &c., serius aut ocios manifestant. Quoniam autem succus ossa nutriens majorem viscum ad er-

A 5 randum



randum idoneiorem & possidet, & perver-
tendo assumit; ideo materia venerea,
quando istius est efficaciæ, præ ligamen-
tis, aponeurosis &c. vasa ossium, limo-
sum ferentia succum, affectat stagnando,
rumpendo, effluxu exedit. Et si hoc in
medio substantiæ duræ contingat, illius
laminas divaricat. Si magis superficiali-
ter ad exteriora, alias ossium v. g. Exo-
stoses, Tophos &c. excretiones; ad inte-
riora spinam ventosam; in medio hyper-
ostosis parit. In qua, si succi nutrientis
in vasibus illis separationem dicantibus, an-
tequam ille perfecta ad efficiendum osseum
indutus est natura; unde aliis a cruento
particulis transmigratione corruptibili pro-
pioribus associatus, obstructio illa suppedi-
tetur, celerius ad putredinis incrementum
dijudicatur. Sin vero succus nutritivus a
concreto sanguinis in fibrarum ossearum
interstitia, scimus enim incrementum par-
tium, quamdiu liquida in vase contenta,
non contingere posse, naturam ad aug-
mentum ossis integrum obtinens, deposi-
tus sit; materia autem illa venerea, ad
destructionem loculamentorum, succoque
littora diruere coimprobata imprægnatus
diutius



diutius commoratur , diruit. In latius , urgente a tergo affluxu , spatum acuminatur ; substantiam ossis solidam detrudendo , otiosiore ob indolem magis induramentem , minusque putrescentem corruptione acuminat.

PROBLEMA.

Suntne particulæ in lue venerea inficientes , & tenues , & acres , humoresque soluti ; vel potius acres , & densi ? si primum admittatur , quomodo salvari poterit ratio curandi per medicamenta maxime solventia , quæ ad morbum humoribus solutis curandum & ratio & praxis contemnit ? Si postremum affirmatur , cur medicamentum saluberrimum , quod *Mercurius* est , non in tali forma porrigitur , in quali omnium maxime , tam respectu promptitudinis , quam securitatis , materiam densam incidere , infarcta liberare vasa & potens est , & omnibus præstantissimorum virorum experimentis suffultum , efficaciam medendi cum vulgaribus cautelis , in quacunque alia forma observandis , præstitit ? *Inunctionem* puto.

§. IX.



§. IX.

Vt autem hujus morbi diagnosis vera fieri possit: ad definitionem & divisionem retro ire oportebit. Quotiescunque ergo tumor præternaturalis, durus, magis æquabilis, parum, vel plane non dolens, ossis fistulam ad integrum sphæricæ, vel illius partem, in latius autem spatiū, tumidam proponit, Hyperostosis audit *s. II.* Hac ratione hujus morbi præsentia quidem intelligitur; sed indoles omnino latet. ad illam indagandam divisionem *s. VI.* objicio: & quidem

1^{mo} Locus, ejusque regio primo intuitu palam est.

2^{do} Hyperostosis ex repetitis per intervalla septimanarum, mensium, omnium hocce morbo laborantium testimonio, doloribus lacinatis, in toto ossis ambitu, vel parte circuli lata a corpore ad extrema ossium sese propagantibus, profundis, per confinia similiter dominantibus, non vagis, fixis, accidente sensim loci hujus gravitate & impotentia, suum inquirenti prodit principium. Incipienti cancro dolor iste non iniuste comparatur.

3^{tio}



3^{to} Incrementum agnoscitur: quando dolores pungentes, per minora inter- valla, dierum nempe, pro ratione mate- riæ magis vel minus corruptibilis fœse pa- tefaciunt. Tumor in figuræ totius ossis peripheria sensim enatus, attractui dolo- rem, latitudinem pressus servantem, to- tum autem systema sensitivum in altum passionis gradum moventem significat: qui dolor remota pressione pedetentim decre- scit, donec inter sensum, carbonis ad- instar urentem, plane evanescat. Relin- quit vero onus, impotentiam incedendi majorem, febremque lentam. Dicta in- crementi signa in materia Hyperostoseos magis corruptibili ad illam cognoscendam quadrant, quando Hyperostosis a mate- ria licet inquinata, naturam ad perficien- dum os integrum obtinente ortum dicit, ideoque minus corruptibilis est, recitata symptomata, ut dolores pungentes, in principio sentiuntur parce, in augmento autem morbi omnino desunt. Os tumidum in longum magis sphærice, grave percipitur, ad functiones incommodum; febricula, opinione saltem ægri, extin- cta putatur.



4^{to} Status, ἀνυψ, ab incrementi varietate dependet: hoc dupli modo consideratur, ergo & status geminus est intelligendus. α) Si Hyperostosis causam corruptioni ulcerosæ pronam agnovit; dolor profundus, lancinans totum os amplexatur, hocque tumor sensu exquisito ad omnem partem; incessius cruciatu inhibitus comperitur; accedente perioste inflamatione aliorumque partium huic incumbentium, febris exasperatur. β) Causa Hyperostosin producens, quæ minus ad exulcerationem suadet, sensibilitatem obtusam, quanquam in incremento per intervalla pungens erat, vel plane deletam ostendit. Os ad suam se omnem faciem tumidum præponit. Hic universalis tumor ad ossis extrema minus observatur; nisi materia peccans simul substantiam spongiosam, quæ in fistulosis ossibus extremitates fabricat, ad elevationem disposuerit. Febris sentitur nulla, & membrum ad functiones, quanquam vitiosum, tamen non omnino irritum est.

5^{to} Ad decrementum cognoscendum illius triplici attendere descensui, resolutioni; exulcerationi, & indurationi est necesse.

necessit. *Resolutio*, ex constante tumorum decrescentium lege, sensim abolitis symptomatibus propriis, quin simul elevatione noscitur discedente. *Exulcerationis* incessus per accrescentem se se manifestat dolorem profundum, non pungentem, sed repetite pulsantem: febris aucta; tumor inflamatorius, ad partes usque molles saepe extensus; gravitas istius membra; horror febrilis aliquoties vibrans; impotentia ob dolorem intimum incendendi exulcerationem peractam indicant. *Induratio* omnibus symptomatibus dolorificis evanescentibus, solo tumore per totam ossis peripheriam observatur.

6^{to} Ad Hyperostoseos vetustatem ægri narratio propria sufficiens est.

7^{mo} Simplex Hyperostosis a multiplicata per examen ægri, an non plures hujusmodi tumores illum affligant? facile discernitur.

8^{vo} Hyperostosis composita vel complicata minime latet, quando de aliis morbis, tam internis, quam externis indagatur. Hac occasione præsertim notare cupio: in illis fracturis, quæ a vi externa tam parva, non correspondente fabricæ ossis



ossis illius fractæ contingunt, semper ratione morborum antecedentium, a viro venereo substantiam ossium solidam fragiliorem facientium, quid suspecti ut opinetur, moneo.

9^{no} Causa quidem intelligi debet semper virulenta a lue venerea; attamen majoris efficaciæ, cum illa in exulcerationem abit: minoris in Hyperostosi ad indurationem vergente supponitur.

10^{mo} Occurrunt non raro exulcerationes a causa violenta, partes molles, ossa exedentes, hæcque per totam longitudinem tumida offeruntur, Hyperostoseos præsentiam simulantia; ne quis illam ossis tumiditatem pro aliquo Hyperostoseos gradu, sed pro majori cariei vulgaris progressu, judicet, qui per extimas ossium laminas exeso prius periosteo semper incedit, propagando ad internas laminas, has perfodit, extendit, & Hyperostosin mentitur, ideoque in cura contrarium recte auxilium exposcit.

§. X.

Spes in Hyperostoseos simplicitate, principio, causa minus virulenta, subiecto non

non emaciato sanitatem recuperandi ponitur aliqua. *Prognosis* autem peior est.

1^{mo} Si *Hyperostosis* multiplicata magnam materiae virulentae copiam indicat.

2^{do} Hæc materia, si natura corruptio- ni propior, ad exteriora magis laminas exulcerando depravat; unde & partes in- cumbentes molles pure solvuntur; hocque non in tota ossis peripheria accidente, ex- foliatio *correctis humoribus* exspectanda.

Sin vero

3^{to} Exulceratio laminas ad cavitatem ossis proximas ruinpit, & Substantias in- ternas, & medullam pure acri in fistula latitante putrefacit, hocque pro magna harum partium jactura, donec partes molles corruptione ulcerosa separentur, & clauso pure via eveniendi patula concede- retur; *cum liberatione actum est.*

4^{to} Hujus morbi vetustas, ideo ma- teria judicatur exsiccata, dura, nihil, ni- si os tumidum per totam vitam, & ad functiones, mutata tempestate, impedi- mentum promittit.

5^{to} Hyperostosis in subjectis orta, in quibus ossa ob infantiam copiosioribus ad- huc vasis gaudent sanguineis, majus ad

B corru-



corruptionem ulcerosam periculum subministrat.

§. XI.

Etsi medelam ad hunc morbum tam profunde sepultum, a materia virulenta productum, & desuper in partibus, minore agilitate præditis, valde tardam & ambiguam esse nullus non ex communi lege intellexerit; tamen non omni juvamine in morbi etiam pejori statu, causa ad dimotionem adhuc disposita, viribusque ægri adjuvantibus est abstinentium. Medendi ratio ex prædictis facile patet: morbus nostrus a viro venereo principium duxit, antivenereum erit medicamentum in natura unicum hucusque cognitum, *Hydrargyro*, efficacius nihil. Dolofus garriat Arrephorus quidquid velit, in morbis venereis *Hydrargyro opus est*, quod quidem arcano suo certe immiscet, sed fraudulenter negat. Omnigena medicorum supplex jam tentata simulque reiecta, Mercurius Veneris domator hodie unicus a medico experientia docto digne coronatur solus. Mihi itaque, cui perplures ab aliis hypotheses ad defendendum strenue consultum est, pariter & novam

& novam proferre licitum sit, quæ actionis rationem exponit Hydrargyri in virus venereum. In naturam virus Disquiram minime, sensus & conceptum fugit, vanas hic acidam alter alkalinam statuminet acrimonias; tertius componat ex omnibus jamjam fictis & forsan adhuc fingendis acrimoniis miscellanea, mea parum interest! Sufficit mihi scire *Miasma* esse, quod sanguinis muco maxime accrescit & illum inquinat; ideoque partibus continentibus mox corrodendo pessimi moris putrilaginem inducit, mox intumescendo illas in durum ac indolentem elevat tumorem: quod miasmati in sanguinem non solum per coitum impurum concedatur transitus; lac veneniferum castissimo infanti aut vix aut nullo modo pepercit; *saliva* aut *oris halitus* miasmate imprægnata per osculationem illa in summa labiorum superficie minimis imponit vasculis suum virus contentum subito intrans, hic in alterius oris cavum per inspirationem attractus applicatur partibus in ore circumpositis irritans turpiter post tempus exulcerans: imo, experientia instructore, vestes viro venereo

B 2 aspersæ,



aspersæ, quibus alter inscius sese induebat, dumodo cutem tangunt nudam, incauto miasma hoc communicavere, tantæ subtilitatis tam volatile venenum est, contra quod medicamentum ut habeat similes proprietates, oportet, & cum hoste pugnans eas nullo modo perdat. Penes Hydrargyrum non aliud potentius medicamen universa monstravit usque huc natura; est enim fugax, est fluidum, solubile vasorum capillarium ingressui accommodandum, non resolubile, non est destruttile, metallum constans: agere ex alia virtute ne dixerim, ex nulla autem suarum partium constitutivarum præcipua conditione alia conjecturam capimus. Hydrargyri partes constitutivæ a sagacissimo D: MEVERO assumuntur; componitur nempe ex materia lucis acido pingui, aqua, alio adhuc composito phlogiston, & terra. Hæc principia ita combinata, ut recte Hydrargyrum constituant, nulla arte transmutanda sunt, eosque in medicina manere valebunt, verum etiam nulla mercurialis compositio ad medendi scopum inventa, quæquæ sit, transmutationem metallo inducere va-

let.



let. Quidquid authores excogitavere, hoc
consistit in tritu, divisione, mixtione,
aut solutione, qualis dictio magis arridet,
neutquam in Hydrargyri resolutione vel
intrinseca metamorphosi; una harum, quæ
necessariam metalli quantitatem, & in
vehiculo suo incomparabiliter divisum te-
net Hydrargyrum, illi inventioni palmam
præripere dicunt, ideo factum est, quod
mox *hoc*, mox novum illud inventum
jam ob minimam Hydrargyri quantitatem
contentam, jam ob crudam præparatio-
nem non penetrabilem traduci nomine
impotentiæ debuerit, & hoc quidem non
immeritissimo. Qualis mothodus exhiben-
di Hydrargyrum in morbis venereis illud
in sua præparatione resolutum habet? ad
unam omnis, nulla. Pinguia, mucosa
non resolvunt, & acida cuncta quidem
solvunt Hydrargyrum, & in suas partes
minutissimas integrantes findunt, sed re-
solvunt nihil. Mercurius transmutandus
non est, excipias in metallum ipso per-
fectius, aliarum partium appositione in
deterius nullo modo; agglutinantur tan-
tum corpora imperfectiora, cum quibus
magis vel minus evadit corrosivus, in-

B 3 quinatus:



quinatus: & sub hac qualitate aut forma pingui Hydrargyrum esse medicamentum exempla trahunt. Transmutatus vero ad majorem metalli charissimi perfectio-
nem, quo propius accedit, eo minus aut nullum erit medicamentum, quodque ana-
logia exactissime probat: aurum esse anti-
venereum quis medicorum dicet? quum nec extra corpus nec in animalis humori-
bus illam fluiditatem, solubilitatem, ut adquirat, cogi potest, qualem Hydrar-
gyrum facile assumit extra corpus & con-
servat humoribus mistum; talis enim pro-
prietas medicamento ad expellendum vi-
rus subtilissimum semper necesse est, hac-
que Hydrargyrum præ omnibus gaudet.
Ex prædictis sana ratio concludit, Hy-
drargo in morbis venereis consequenter
in Hyperostosi melius nihil: quidquid ca-
lamistrati vociferant medici de arcanis fine
Mercurio, illud ipsis non esse credendum,
si illorum commendata curant, Mercurius
inest, nulla alia, hujus sola vi profligatur
virus: Hydrargyrum agere fugacitate, sub-
tilitate, fluiditate, ad vasorum minimo-
rum ingressum promptitudine, constantia;
his qualitatibus donatum intrat corpus, in
quo

quo nil amittit, modo extra corpus divisionem obtinuit possibilem, qualem circuando difficilime deperdit, retinet potius a vasorum fibratione, tritu coactum; humorum massam ad vasa minutissima sequitur decompositione incapax; mucum misfatis hospitium dividit, solvit, & aptum reddit majorem humorum commiscibilium copiam assumere, consequenter ex commoda sede ita virus extrudit; organa aperit excretoria; hostem detestandum educit, hac nimirum virtute agit, quum nihil ex partibus ipsius constitutivis per quamcunque præparationem resolutum venit, & quum per certas compositiones illud, non nisi in perfectius metallum, transmutandum, viribus antivenereis substituitur, ut superius dictum est. His positis in qua forma aut qualitate maxime activum sit Hydrargyrum, ad quæstionem ducitur. Omnibus Hydrargyri præparationibus pensatis, ab experientia instruta, aut Mercurium corrosivum in aqua pura solutum cum D. RICHARD, aut aquam vegeto-mercurialem cum D. PRESSAVIN, aut vetustissimam inunctionem mercurialem ratio suadet; efficacissime verum in



pertinacissimis ac antiquissimis morbis venereis inunctionio mercurialis una cum ex præpositis præparationibus simul adhibetur, experto crede GARDANE; interea tamen copulatam methodum Hyperostosis non semper exposcit. Hoc in casu, ubi morbus non tam inveteratus ideo minus pertinax eligerem simplicem curandi methodum, unam ex his tribus, & quidem, si occasio, aut Hydrargyri jactura, aut circumstantiae aliæ non prohiberent, inunctionem mercuriale. Objectiones contra hanc medendi rationem a viris utique gravissimis factæ me ab ea nondum deterruere, tanti ponderis non sunt, ut omnem considerationem promererentur, potius somnium adeo gratum, aut blanditiæ amatæ inunctionem apud quosdam autoritate privarunt, aut, figulus enim figulum odit, saluberrima montpelliensis scientia debuit refutari. Audiamus tamen paucis, quæ contra inunctionem in medium proferri possunt: 1) Hydrargyri quanditas incerta est; tertia ad minimum pars deperditur, partim in superficie cutis hærens, illam non ingreditur, partim manicis ad frictionem adhibitis infugitur;



fugitur; nec est impediendum, quin in
ipsa frictionis actione aliqua portio ob-
genium volantem auras pedat, nescitur er-
go Hydrargyri intrantis copia, quæ, si
nimia sit, aut subiectum in ptyalismum
inveniat primum, hunc inutiliter, peri-
culose & in medelæ detrimentum excitat.
Si jacturam medicaminis sumptuum re-
spectu non æstimare debet medicus, re-
liquum ejus prudentia vituperat; quasi
otiosus staret. Indies inquirere inquirenda
perspicacium quis est, quin intelligat?
2) Copia Hydrargyri inungenda usque
huc nondum est definita; imo circa inun-
gendi modum authores inter se discrepant,
utrum mercuriale unguentum ad siccita-
tem usque interendum, vel utrum illud
leniter cuti inunctum, magis fluens eidem
relinquendum sit. In quo morbo copia
medicamenti definita est? Certe in nullo,
hoc dependet nimirum ab ejus duritie,
vigore, & ægri constitutione: non me-
mini me legisse, unquam circa frictionis
modum bonum medicum fuisse anxium.
Tyroni non in mentem veniet, satis esse,
unguentum cuti tantum monstrare, &
non bona摩擦e Hydrargyrum vasis cu-



taneis imprimere. 3) Multis hominibus propter officium, occasionem, & silentium debitum præscribi non potest. Hoc quidem verum est, sed ideo medicamento labem inferre, non video causam, quanquam illis danda non est, manebit tamen methodus salutaris. 4) Inunctioni artuum tremor, paralysis, & mordicantes pustulæ, quæ subinde in cute prorumpunt, obtrudenda sunt. Tremor & paralysis Saturno quandoque cum Hydrargyro misto adscribuntur certius, quapropter Mercurius sit rite depuratus; et si horum hunc aut illum morborum Mercurius per inunctionem corpori immissus induceret, tamen inconcinnæ applicationi potius & neglectis aliis requisitis hoc adscribendum esset, quam medicamento proprio: pustulæ nunquam superveniunt, ubi minor Terebinthinæ copia ad Hydrargyrum subigendum sumitur, & balneis tepidis mundificatur cutis, hoc facto transpiratio necessaria unguento poros obliniente prohibetur minime, e contra vero promovetur. 5) Sanatio per inunctionem tardior aut nulla saltem perfecta. An nunquam reliquit incuratos & Mercu. subl. corros. & quælibet alia metho-



methodus? hoc quidem omnes testantur non præjudicantes authores; quapropter consilium dant: si ægroti corporis fabrica aliquam methodum ita assueverit, ut nulla amplius ex ea fieret mutatio, alia est adhibenda: ecquid multum juvat dicere, experientia docet plurimos inunctione perfecte sanatos fuisse, quam alia quacunque methodo. 6) Si miasma in minimis jamjam vasis sedem fixit, Hydrargyrum minoris aut nullius esse efficaciæ, quum vasa minima intrare nequit. Quomodo, quæso, hæc proclamatio experientiæ & propriis convenit factis! nuncquid in determino luis gradu, ossa quando sunt exesa, efficacius, certiusque nihil esse, ad debelandum inveteratum, & ad ultimam perniciem deuentum morbum, quam frictio mercurialis una cum Hydrargyro interne dato, GARDANE, PRESSAVIN, DE HORN authoritate sua statuunt. Ad quid frictio hic tam potenter exaltatur? forsan Hydrargyrum per inunctionem sanguinis mafæ immissum virus in vasis majoribus circulans ut emendet, per os autem datum minima adeat vasa, virusque ibidem expellat: sane si veterum observationes non extarent,



exstarent, quæ Hydrargyrum in ossium substantia inventum fuisse probant, non per os datum, sed frictione ipsi concedebatur introitus. Hoc est, quod objectiones omnes contra vias Hydrargyro immeabiles illatas enervat. Inunctio mercurialis igitur est efficax, potens, est sub certo respectu infallibilis sanandi methodus, quæ quidem suas habet difficultates, sed aliæ aliis certe majoribus non carent. Ubi temporis sed non sumptibus est parcendum; ubi æger de bona fama non periclitatur; ubi occasio, officium ad hanc requisita permittunt, methodus per extinctionem primas tenet propter securitatem & conditionem meliorem, cum corporis fabricæ plane innocua est, nullamque partibus solidis aut fluidis resolutionem noxiā inducit. Oppositis nunc dictis obstaculis eligat sibi medicus Mercurium sublimat. corrosiv. in aqua pura, vel cum Ill. VAN SWIETEN in ∇. Ceras. vel ∇. Rub. Idei solutum, non autem in vino adusto, quum multi homines spiritum præsentim frumenti non ferunt. Ne obliviscaris, te ordinare medicamentum summe rodens; omnibus cum grano salis, militibus inferioribus & similibus

similibus hominibus maxima cum cautela
esse propinandum experientia docuit; ni-
mirum nihil magis insidias collocat anima-
lis vitæ, quam ad substantiam metallicam
acidum salis culinaris concentratum, de-
struit enim & ad integrum resolvit solidif-
sima animalis omnia illorumque contenta:
nihilo tamen minus in experta manu bo-
num est medicamentum Hydrargyrum su-
blimatum corrosivum in aqua solutum.

Proxime accedit aqua vegeto-mercu-
rialis, quam noviter D. PRESSAVIN in me-
dicinam duxit, & omnibus contendit vi-
ribus suum medicamentum nolenti dare
universo ut præstantissimum & efficacissi-
mum. Multis certe non displicet, ejus
compositionem in latino idiomato legere
posse, quæ ex gallico traducta hic sequi-
tur:

R. Mercur. ex Cinabr. revivif. ℥. 1.

Spirit. Nitri. ℥. 1. & ʒiv. solve su-
pra moderatum calorem Mercurium in
spiritu.

R. Sal. Tart. lib. 1.

Aqu. font. lib. β. f. solut. salis in aqua.

Illo tempore, quo isti duo liquores bul-
liunt, misce hos inter se, fundendo solu-
tionem



tionem mercurialem super alkalinam, agitur ad perfectam unionem.

Præcipitatur in vase sedimentum lateris pulverisati.

Nota, hæc operatio debet institui in magno vase figlino, quod ad minimum lib. XII. aquæ capit.

Funde super hoc præcipitatum magnam aquæ pluvialis fervidæ quantitatem, & post agitationem quieti repone, donec aqua sit clara, tum fit decantatio, & affunditur nova pari ratione ut dictum est; hic labor quater reiteratur.

Præcipitatum tali modo bene lotum manet in vase, donec siccatum sit, huic superfunde lib. X. Aceti albi destillati, bulliat per duas horas vase bene clauso, sedimentum quandoque agitandum; tandem hujus liquoris decantatio fit in ipso ebullitionis motu, & superaffunditur novum salis tartari lixivium præcedenti simile. Momento temporis præcipitatum album habetur, quod per medium horam quieti relictum separandum & vt præcipitatum primum bene lavandum; post hoc in cucurbitam indatur cum tribus libr. aquæ, & quatuor uncij Cremoris tartari pulverisati, postquam

postquam per duas horas bullivit refrigerationi committitur liquor, qui aquæ fontanæ adinstar limpidus evadet; tum decantatur & conservatur in vitro exacte clauso, est enim *aqua vegeto-mercurialis*. Hæc compositio quidem magni precii est, sed etiam prærogativam habet, quum caustici nihil medicamento relinquit, nec minimam ventriculo nauseam parit.

Est adhuc alia præparandi ratio, quæ viliore precio paratur sine virtutis suæ danno, nullumque ex ea pravum symptomæ est metuendum, solum non tam insipida, quin saporem metallicum imprimat linguæ.

Sumitur præcipitatum primum lotum, & in aceti loco affunduntur aquæ pluvialis lib. XVI. & lib. β. Cremor. Tart.; bulliat hic liquor, donec præcipitatum rubrum nivis adinstar album sit; tum ab igne removetur, refrigeratum, & decantatum conservatur. Hac ratione aqua vegeto-mercurialis confecta dubla dosi est propinanda. Nam continet uncia una quintam grani partem Mercurii, & in unica una aquæ vegeto-mercurialis ex prima præparatione continetur granum unum Mercurii. Hic adhuc notandum venit, quod ponde-

ra



ra Parisiis a nostris differant; scrupulus nempe pendet grana viginti quatuor; drachma continet grana LXXII., uncia est drachmarum octo, granorum nempe DLXXVI., libra complectitur uncias XVI.

Disquisita nova hac Mercurii præparatione non dubito, quin omnis bene percipiat, Mercurium ita aptatum, cum unguento mercuriale pari passu ambulare posse. Divisio, solubilitas & dulcedo sunt qualitates, quæ in præparatione mercuriale reperiri debent, his fane aqua vegeto-mercurialis præ Mercurio sublimato gaudet, quanquam non omnem amiserit causticitatem, quod sapor metallicus probat, & effectus, qui ab ea in ventriculo proferuntur, manifestant; tamen sine omni comparatione sublimato dulcior est.

§. XII.

Anterior ut lucremur, pro rerum circumstantia venæ sectio suadenda est, postquam primæ viæ ab impuris liberatae sunt aqua laxat. vien, vel alio purgante.

In principio Hyperostoseos & incremento omnium maxime laudabilis est inunctio mercurialis, cuius auxilio Mercurius millesies magis divisus, quam ullius alterius

ope



ope divisionis, consideratis ad ingressum
viis, corpus nostrum intrare cogitur. Ad
hoc Suffulciendum sequentibus stringo:
quando verum est (quod ad nostra tem-
pora deficiente alia veritate assumi debet)
Mercurium ex divisione subtilem, fugacem,
penetrabilem, solum activum reddi, effe-
ctus de majori divisione & promptus &
certus arguitur juste; major divisio, Mer-
curio, ad vasa perspirationis insensibilis, la-
cteis vasis intestinorum longe minora, in-
tranda subacto acquiritur certe; ergo Mer-
curius via divisionis tam angusta ad ingre-
sum subactus ultimo divisus ingrediens, ef-
fectum & promptum producit & certum.
Vasa perspirabilia esse lacteis intestinorum
longe minora ex communibus in secretio-
num lege factis tentaminibus evidenter de-
claratur. *Mercurium illa intrare, & effectus*
velocissimos, minoribus adhuc cautelis,
quam si per vias chylificationis in sanguinis
*massam mittatur, junctos proferre, obser-
vationibus evictum est.* Concludendum sa-
ne: quum Mercurius nulla alia via, nisi
per vasa peripheriae corporis ad interio-
ra immittatur, tam exacte dividendus,

C

virtus



virtus a divisione petenda ; ad virtutem
obtinendam potius ergo vasa perspirationis
Mercurius ut intret, est ordinandus. For-
mulam , ad Hyperostosin sanandam optimam
talem adpono:sume pinguedinis fuillæ
bene lotæ uncias Duas, ceræ albæ unciam
β ; his liquefactis & mortario marmoreo
inditis adde Mercurii ex cinnab: rediviv:
Drach: duas , terantur pilo ligneo , do-
nec dispareant ; tum iterum Mercurii
Drachm. duas admisce , & divide ad ple-
nariam extinctionem: ita continuandum ,
donec duæ Mercurii unciae in pinguedine
exactissime sint divisæ. Hujus ungenti
usum , & cautelas , aliaque requisita nul-
lo modo negligenda hic prætermitto , in
libris enim bonis practicis ubique reperi-
untur , simul etiam decocta sudorifera , &
ordinaria cum vivendi ratione pro re na-
ta judicium & experienta præscriperunt.
Tantum pro sanatione principii Hypero-
stoseos & incrementi, licet ossis tumores
pro ultimo & deterrimo morbi venerei
symptomate habendi sint, obtinenda sa-
tis fuisse , nisi ossis substantia citato gra-
du putrilaginem pernicioſiſſimam adprope-
ret.

ret, gnarus scio; hoc autem in casu, ubi periculum foetidissimæ corruptionis instat, ad majorem vigorem ex Mercurio obtinendum, aquam vegeto - mercurialem simul cum frictione adhibendam esse observaciones docent Pressavianae. Utpote ad uncias sex decocti, ex Rad: Alth., Bardan:, Polypod:, Saffaparill., ligni Guajac:, auditur cochlear unum aquæ vegeto - mercurialis, ascendendo ad tria cochlearia; binis vicibus in die absumenda est hæc quantitas. Circumstantiæ morbi & ægri non prohibent dosin aquæ vegeto - mercurialis auctam, potius indicant.

Si attactui dolor nullus, nullusque tumor, functio libera, ceteraque symptoma pacata resolutionis finem manifestaverint; vasorum vigorem tum medicamentis juvamus roborantibus.

In Hyperostosi ad exulcerationem (perceptis signis *f. IX. N^o 4.* notatis, tertium cariei genus *f. VIII. proplema*) ossium laminas interducentem deventa, quando partes incumbentes molles, vel adjuvantibus impositis emollientibus, & per hæc fluctuatio extrorsum magis allecta



aperturam jussit, vel potentia materiæ, ad externas magis laminas stagnantis, hafque perfringentis, solutæ sunt: mediantे pulvere ex Myrrh., Mastich., succ., Euphor., Aloë, Oliban. &c. in majori hujus cariei incessu, offis perforatione, succurrentibus balneis, si membrum illud imponi possit, ex herbis anteputredinosis; exfoliatio est promovenda, non intermisfa methodo procreatione morbi proprii sibi præfixa. In maximo Hyperostoseos gradu, qui ad plenariam offis, & exinde totius membra corruptionem devenit, quod quidem de raro contingentि est; si corpus ceterum a miasmate venereo liberatum, vires ægri non exhaustae, & hyperostosis non sit multiplicata de totius membra extirpatione est cogitandum; nisi pars ipsa illam interdicat. Obstantibus his morbus morbum pacificat morte.



ICONUM